

Zeitschrift: Igl Ischi : organ della Romania (Societat de Students Romontschs)
Herausgeber: Romania (Societat de Students Romontschs)
Band: 51 (1965)

Artikel: Il criec ded aur
Autor: Carnot, Maurus
DOI: <https://doi.org/10.5169/seals-881553>

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 02.11.2025

ETH-Bibliothek Zürich, E-Periodica, <https://www.e-periodica.ch>

Il crieo ded aur

POESIA DA P. MAURUS CARNOT

Sin Crestas schai grepus e teis
Igl èr dil pur Flurin.
Da miez avrel leu aran treis,
Bab, mumma cun lur pign.
Tschaghera rocla tras la val,
Dus bos zaccudan il stadal,
Davongiu las totonas pendan,
E grevamein las travs sefendan.

Il buob sedrova d'empalar,
Ils dus tgaumogns van plaun
E lessen entraviers passar,
La tretscha tagl'il maun;
Las gaultas brischan al mattatsch,
El bratta mintgaton il bratsch —
Il crieo fa giomers e sviescha,
Ch'il bab marmugna e smuldescha.

La mumma va cul tgau a bass
E sdrappa il zerclem
E mira mintga quater pass
Ensi tier il Suprem:
«O fai la crusch sul pauper pur
Che fa cun gretta la lavur!
Sche nus luvrein aschi malidi,
Co lein nus lu ch'il Segner gidi?»

Snueivel va il crieo a funs —
Hist, hot! va'i tur a tur.
Ils stels daghiran sco izuns
Ord tuts cavels dil pur.
«Quei ei strapaz de tut sesfar,
E zaccudem de sestrunglar!
Sche vul ei infinita possa
Per far al graun la pintga fossa!»

Uss ein ils zuolcs osum menai,
Il crieç per tiara vi;
Uss stauschan de lur giuv spindrai,
Ils bos lur berls stendi.
Selegra pur, prest vegn tiu èr
A spender monas pil garner!
Mo pur Flurin stat e sbarbutta,
Sco sch'el havess la bratscha rutta:

«Pilver, jeu sun dil crieç unfis,
Traso cul nas el tratsch!
Ils auters han il paradis,
Il pur ei in pupratsch.
Schi liungs e lads sco il sulegl
Sclaresch'il mund cun siu lamegl,
Ei franc il crieç la menadira
La pli macorta, la pli stgira!»

Igl èr schi grevamein araus
Retscheiva il dumieç,
Vegn arpagaus e vegn rischlaus,
A casa va il crieç,
Ed en clavau bein ed endretg
Ruauss'el staunchels sut il tetg.
Sigl èr ei tut murtgiu ed eri,
Tut sco las fossas sin santeri.

Sur las muntognas vegn il matg
Culs dis sereins e blaus,
Cun plievias lomas sco'l bi latg
Buent'el èrs e praus.
Sin Crestas miran ils verdins
Ord tgina aunc pignets, zaclins,
E beiban mintga di rugada
E vegnan bials e fan parada.

Ei vegn sogn Gion da mesa-stad,
Ch'ei schi pussents e buns;
Il cauld favugn, quel ei siu flad,
Sco egls ein ses tizuns:
El tegn il bratsch sur seivs e pals,
Igl èr fa ussa crests e vals,
Las spigias melnas benedidas
Ein ledas sco d'amur surpridas.

La stad ei ida tras la val,
Las schualmas ein naven;
Las monas schaian en iral —
In di de legherment!
«Ei dat o bein, dat massa graun,
Quei dat per perdanonzas paun,
Dat pettas finas tier la groma!»
Culs mauns a Diu la mumma cloma.

Flurin il pur sto consentir,
La dunna ha raschun;
La fatscha brutta fa de rir,
Mirond sil grev mantun.
Furschond ils pugns el di da bass,
Sco sch'el empau seturpegiass:
«Lavurs maltscheccas, tarladidas —
Pli legher eis ei, far ventschidas!»

Han buc ils bos a prau migiu?
Mobein, da legherment!
Il bien suleagl va da rendiu,
Il crieç sut tetg sclarend.
Cheu clom'il buob, stend sil dumieç:
«Mirei! Ded aur ei oz nies crieç!»
E bab e mumma che confessan:
«Nies crieç ded aur! Con rehs nus essan!»